



Broj predmeta: 13-002241/20
Broj akta: 01.1-1413EK-0059/21
Datum, 9.2.2021.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH»), broj: 22/18 -- prečišćen tekst, 49/18, 08/19, 10/19 i 32/19), u skladu s članom 69. stav (2) tačka a) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda broj:13-002241/20 od 28.1.2021. godine sa preporukom komisije za javne nabavke, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se postupak nabavke za lotove 4, 12, 15, 19, 23, 24 i 25 iz provedenog otvorenog postupka nabavke održavanja vozila u 2021. 2022. i 2023. godini, nabavka i sukcesivna ugradnja rezervnih dijelova i potrebnog materijala za servisiranje i popravku motornih vozila u vlasništvu Brčko distrikta BiH-lotovi 1-30 prema zahtjevu Odjela za javne poslove Vlade Brčko distrikta BiH, koji je pokrenut na osnovu Odluke o pokretanju postupka javne nabavke broj: 13 – 002241/20, broj akta:03-1151SJ-001/20 od 6.8.2020. godine, Obavještenja o nabavci na portalu javnih nabavki broj: 1157-1-1-654-3-553/20 od 9.10.2020. godine, specifikacije robe i usluga u vezi sa Tenderskom dokumentacijom broj: 13 - 002241/20, iz razloga što nije dostavljena nijedna ponuda u određenom krajnjem roku, što prema čl. 69. stav (2) tačka a) Zakona o javnim nabavkama predstavlja osnov za poništenje postupka nabavke.

Član 2.

Odluka o poništenju postupka izbora najpovoljnijeg ponuđača stupa na snagu danom donošenja.

Obrazloženje

Komisija za nabavke je nakon izvršenog otvaranja ponuda konstatovala da je dostavljeno 12 ponuda, ponuđača: „Brčko-Gas“ d.o.o. Brčko, Auto servis „Čosić“ s.p. Brčko, UTP „Iskra-Comerc“ d.o.o. Brčko, Autocentar „Margetić“ d.o.o. Brčko, „Tadić Compani“ d.o.o. Brčko, ZTR „Maxauto profi“ Brčko, „Auto Letić“ d.o.o. Brčko, „Autorad“ d.o.o. Pelagićevo, „Autostar“ s.p. Brčko, „S-S Mornar“ d.o.o. Brčko, „Auto Mertz sasa“ d.o.o. Brčko i „Zaki&Mobil“ d.o.o. Brčko. Sastavni dio odluke čini zapisnik sa otvaranja ponuda i izvještaj o pregledu i ocjeni ponuda. Komisija je ustanovila da su svi ponuđači dostavili garanciju za ozbiljnost ponude za lotove 16,17,20,21 i 26, osim ponuđača „Zaki&Mobil“ d.o.o. Brčko koji nije dostavio garanciju za lotove 16, 20 i 26 u roku, uz obrazloženje da zbog sporosti banke nije uspio na vrijeme pribaviti garanciju već je garanciju dostavio naknadno dana 27.11.2020. godine, pa je zbog toga ponuda za navedene lotove odbačena kao neprihvatljiva. Dostavljene ponude su bile pripremljene i dostavljene na način propisan tenderskom dokumentacijom u pogledu načina pripreme, dostave i sadržaja ponude, osim ponude ponuđača „S-S Mornar“ d.o.o.

Brčko, „Max Auto Profi“ d.o.o. Brčko, za lot 27 „Zaki & Mobil“ d.o.o. Brčko za lotove 16, 20 i 26, ponude ponuđača „Iskra-Comerce“ d.o.o. Brčko za lot 8. Ponuda ponuđača „Tadić Comani“ d.o.o. Brčko za lot 10 je odbačena kao neprihvatljiva jer ponuđač nije dokazao da je ovlaštenu serviser za Ford motorna vozila. Ponuda ponuđača „S-S Mornar“ d.o.o. Brčko je odbačena kao nepotpuna jer u ponudi nije dostavio izjavu prema aneksu 10 tenderske dokumentacije kao ni vlastite izjave slične sadržina kojima potvrđuje ispunjenost oslova propisanih tačkom 3.4.1 tenderske dokumentacije za lotove 28 i 30. Ponuda ponuđača „Maxauto Profi“ d.o.o. Brčko za lot 27 je odbačena kao neprihvatljiva iz razloga što je dostavljena po starom obrascu za vijenu ponude- tehničkoj specifikaciji za lot 27 u skladu sa izmjenom i dopunom tenderske dokumentacije od 23.10. 2020. Godine. Ponuda ponuđača „Iskra-Comerc“ d.o.o. Brčko za lot 8 je odbačena kao nepotpuna s obzirom da ponuđač nije ponudio cijenu za sve stavke lota 8 (stavke 44, 45 i 53). Izvršena je računska kontrola dostavljenih ponuda i uočeno je postojanje računске greške u ponudama pojedinih ponuđača koji su dostavili saglasnost za ispravku. Izvršeno je rangiranje ponuda i razmotrene su najjeftinije prihvatljive ponude u pogledu postojanja neprirodno niskih cijena na lotovima 1,5,11,18 i 28 za koje su ponuđači dostavila prihvatljiva pojašnjenja. Ustanovljeno je da na lotovima 2, 3,6,8,9,10,16,17,20,21,22,26, i 27 veći od procijenjene vrijednosti nabavke i Odjel za javne poslove se izjasnio da se može nastaviti sa postupkom nabavke i da postoje sredstva za finansiranje nabavke. Za lotove 4,12,15,19,24 i 25 nije dostavljena nijedna ponuda i za te lotove je donesena odluka o poništenju postupka nabavke. Komisija za nabavke je dostavila preporuku, u skladu sa kriterijem ekonomski najpovoljnije ponude sa kriterijima - iznos cijene 50% i operativni troškovi 50%, najpovoljnijim ponuđačima u postupku nabavke.

.POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Gradonačelniku,
3. Odjelu za javne poslove,
4. «Službenom glasniku Brčko distrikta BiH»,
5. Arhivi.

